
Ji
3243^a

1. 4.

J i
3243^a



Sc 256/62

an Fl. 4/47 anderer Druck!

Vg. 550 (4x) anderer Druck!

vgl. B

diese Ausgabe 00

W

Ein schöner Dialogus von
Martino Luther/ vñ der geschickte Boe
schafft auß d Helle die falsche geyst
lichkeit vñ das wort Gots belan/
gen/gantz hübsch zu lesen.

Anno. M. D. XXij.



Chr. J.

Werck vff jr Geystlichen alle gleych
Wie der Teüfel alhie außstreycht sein reych
Welchs jr im ornirt mancher gestalt
Mit kütten vnd wercken manigsfalt.
Ir seynd die lieben kynder seyn
Ewer leben geet vnder falschem scheyn.
Damit jr vns langzeyt betrogen habt
Als vns der frum Luther sagt.
Halt vest Martine du vil edler knecht
Sag vns die schrift an geystlich recht.
Wie du dan dem Teüfel thüst
An der schrift wiltu haben keyn wüst.
Als vns das new Testament bedeütten will
Geystlicher standt wendt ab in still.
Glaub dem Euangelio on menschen tandt
Ir secht ewere werck seyn gep sandt.
Von Christo dem ewigen frummen Gott
Der vns von ewerm gleyssen erlöst hatt.
Als vns Martinus anzeyg gnüg brenge
Ewer scheynen ist zum Teüfel gesend.

Ja 3243 a



L 2, 3521

Vnderredner der Teüfel vnd Martinus.

Die ganz samlung der hellischen pforten ha-
ben sich zu samen gefügt/ vnd die vffrüer so
Martinus Luther vom wegen Göttlichen
worts erregt/in bedencken genumen/vff das
sie solchs möchten geweren/ wann inen mercklich ver-
derben darauff kumpt/ vnd seynd euns worden inen ge-
schickten zu Martino zuschicken/ jr grosses anligen an
in zu werben. Ein kumpt der gesandt eyns Prediger
Münchs gestalt/ gegen Wittēberg für Martinus kam-
mer vnd tropfft an. Martinus kumpt/ macht im vff-
empfacht in mit dem heyligen gruß/ der ewige Gott geb
mir vnd dir seyn gnad/ fryd/ frewd/ vnd ein war erleucht
niß in Christo Jesu vnserm herzn/ Roma. j. vnd. ij.
Timoth. j. etc. Von wannen kumpstu/ was ist dein ge-
werb. Der Teüfel erschrickt das er in also mit göttliche
gruß empfacht/ vnd spricht/danck hab lieber Marti-
ne/ich hab manche steyg durchgangen ee ich zu dir kum-
men byn/mein anligen kurtz an dich zu bringen/ daran
mir vnd meinen brüderm viel gelegē ist/das glaub mir
sicherlich/byn auch von ferns her/ vnd hab ein grosse
werbung an dich zu thun/ wie du noch hören solt/ wen
du müßig werest/ so wolt ich dir ein wenig sagen/ was
mein meynung wer/was machstu güts. Martinus.
Was solt ich machen/ ich sitz alhie vnd bemühe mich
das alt Testament/welchs jr geystlichen ein verfürung
heyst/den armen Leyen vollend zu teütschen/ damit sie
sich vor dem Bapstlichen widerchristē/ falschen prophe-
ten vnd sawr teyg/die vns das alt vnd new Testament

gar mit menschen opinion versaltzen/ hüten möchten/
wie vns Christus leret Matth. xvi. Marci. viij. Luke
xij. Teüfel. Ist recht lieber Martine/ du kumpst
gleich vff meyn meynung/ wir wöllē eynander das gast
hürlin abziehen/ vñ vor eynander nit forcht tragē/ wan
ich dich hefftig antasten werde/ ich kan nit lenger schwei
gen. Marti. Im fryde Gots laß herwyschen/ ich
merck wol/ du wüirst ein Bapfflicher bott seyn. Teü
fel. Du wüirstes wol hören mit der zeyt. Ich glaub
Martine das du der falsch Prophet vnd widerchrist sey
est/ dauon du yezund sagst. Marti. Wie kem das.
Teüfel. Also/ das du die gantz welt mit zank vñnd
hader beladen thüist/ bringst eynen newen glauben vff/
verwürffst aller vätter Concilia/ institutiones/ leer/ vñnd
ordnung/ wilt alleyn recht haben/ der Teüfel/ der heylig
vatter der Bapff/ die Bischoff/ Keyser/ Fürsten noch
herzen/ kan dich von deynem sünemen bringen/ es will
keyn ermanung helfen/ du bist der ander Pharao/ vñnd
der recht Balaam/ wie dich Emser nennet/ du glaubst
nit (er sagt der gekreützig) du sibest dan zeychen/ du bist
fürwar der recht ertzkerzer vñnd seynd aller Römer/ vñnd
geystlichē. Marti. Ich mein du hast mich troffen
vñnd mir meinē Tittel gar geben/ haw fluchs dreyn/ ich
will dir wol wider begeben/ vñnd leyden vmb Christus
willen/ meynen person halben hats keyn nott/ du kanst
mirs so sawer nit machen/ ich habs sewrer gessen. Aber
götlichs wort/ das will ich so ferz mir got gnad gibt/ mit
handt vñnd mundt versechtē. Ich ließ mich wol dunckē/
du werst ein solcher subtiler bott/ du solt mir auch anzey
gē du arger Sophist/ warmit ich vnrecht gethon/ Du
thüist als mein vngünstig herrn nechst zu Wurmb. Ob
ich gleich wider den Bapff vñnd die Vätter gethou/ vñnd

im seyn Euangelisten geschmehet/lygt nit macht dran/
Der Papst ist ein mensch/dz weyst du wol/Das du mir
schuld gibst/ich mach vil gezenc in der Chrustheit mit
meynem schreyben/ Ist recht/ Gott wils also haben/wo
gölich wort soll regieren/ vnnnd in vns wonen/ da müß
ein teyl bey Christo/ ein teyl bey dem Papst steen. Er
ist kumen ein sewer anzüzünden/das alle freündtschafft
wider eynander seyn soll. Matth. v. Luce. vij. Das ich
vō wegē meins gots predig/ist nit mein/es ist vō: auch
also zū gangen/ Den glaubē den ich lere/habē die Apo/
stel/auch Chylis selber gelert/dauon gnügsam im Euā
gelio syndest. Ich will nit mein/sunder Chrustwort pre/
digen. Er soll mein gezeüg seyn/ wie Paulus zū Rö/
mern. j. vnd. j. Corinth. j. Wo ich nūn Väter vn Con
cilia/die wider Got geschriben/als auch etliche gethon/
synde/das will ich nit leyden/gebürt mir auch nit/ dann
wer wider gott ist/der ist nit mit gott/ dem selbē soll man
weren/vnnnd das nit annemen. Matthei. vij. Ja wens
gleych ein Engel vom hymel/od Paulus wer/wie mich
Paulus lere/zū Gala. j. Väter hin/väter her/ Augu
stinus hie/Ambrosius dort/ Ich hab eynen Gott/ des
wort seynd mir klar/ ja werden besteen für teüfel/ sündel/
todt vnd helle. Ja wol du sagst recht/ ich byn ein Pha/
rao/sürwar ich bin bissher/aber ich nit/sunder Chrustus
in mir/ den geystlichen ein rechter Pharao / im kassen/
gelt/kuchen vnd keller gewesen. Ja Gott gibt denen die
im glauben/ ein solchs hertz/ das dannoch vil stercker
vn herter in gottes gnade steet/den Pharaon hertz wi/
der gott stünd/also ist gott ein hertz/Alber jr grossen blat/
ten trager/habt gar keyn verstande in der gnad/der zigē
bock Emser zū Dresen/redt von d schrifft/wie ein blyn
der von der farb/vff der hohen schülen zū Paris/hat er

Die subtilitet gelernt/ ja fürwar er ist der recht blyndenfir-
rer vñ werckheylig. Marci. xvij. der allen seynē grunde
allein vff sandt vñd gewis bawet/ darumb sicht man
wie seyn er vor götlichem wort vñd wasser gestandē ist/
gleych wie ein haß/ so die hund hynder in kumen. Ewer
schreybē ist nichts anders/ den Cencilia/ cōcilia/ Bapst/
bapst/ gewonheit/ Ja der teüfel/ seyn mütter. Wan thüt
alleyn wider den Bapst/ an den gedencke man/ Got geet
den Bapst vñd die gewonheyt nit an/ drum b gedencke
man seyn nit/ Wolan/ es ist nün der tag vff gebrochen/
die morgen röt scheynet. Rom. viij. Jacobi. ij. vñd ist
dahin kumen/ das man ewers gots/ des Bapsts nit vil
gedencke/ ja last in zü Rom sitzen/ vñdürre huzeln seyl
haben/ Gott sey gelobt/ du bist auch ein mal vnser gne-
diger vñd seyndt/ vngnediger gott worden. Nün Gott
ists nit gnüg/ hab ich mich nit genügsam erbotten. Ich
will mich noch von eynem armen sew hyrten mit klarer
schafft weysen lassen/ vñd so ich würde überwundē/ das
ich wider gott geschriben/ so will ich mit götlicher gnadē
vom synsternüß ins liecht trettē. Wer sündiget sagt got
(Johan. iij.) der haßt d; liecht/ Das habē vnser geyst-
liche/ spitzsündige vñd weltweysen nit gethon/ sie haben
klare schafft gots geförcht/ warumb/ Ey gott ist nit eyn
beüttel vñd Fastenfüller/ vñd also götlich liecht (das er
selbst ist) gehaßt/ vñd von dem liecht in die synsternüß
getretten/ wie sich Christus beklagt. Johan. viij. vñ Jo-
han. iij. Mein volck hat meer die synsternüß dann das
liecht geliebt. O Johannes wie durchsichtig seyndt dey-
ne wort/ wie hat man sie dir so grundtloß gemacht. O
Paule ein götlicher glauben verfechter/ tritt herfür mit
deynem schilt des glaubens. Ephe. vi. O Gott in ewi-
ger mayestat sihe vff/ Bapsts mundt/ will vns alle frey/

sen. Wolan dein gnad sey mit mir/du brüder solt vnn
würst mir ein angenemer gast seyn. Ich will dir deyr
Elterisch kappen seyn mit götlichem wort wäschē/ das
du deynes geschreyes wol vergessen solt/wo gott anders
will/dan du gecken solt wie eyn Elster/ vnd plerzen wie
bock Emser. Teüfel. Ich wils gern hörē/ du wilt
mit ernst vñ der geschriffte dran/Vergib mir meine hart
te wort. Martine ich will dir wider vergeben/ du thüst
dich gnügsam beweysen/aber was man dir fürlegt/wilt
du nit annemen/darumb ist alles verloren. Marti.
Ja mit der schriffte will ich dran/schriffte soll man fürle
gen/mit schriffte/doch mit klarer schriffte handeln vnd be
weyfen/ich hab dir vor gesagt/ tast mich so hart an als
du wilt/ich wils vmb Christus willen gern leyden/ aber
Göttlich wort das soltu nit schmehen/ das du mir für
wirffst/ich wöl keyn für legen/ so man mir bissher fürge
schlagen annemen. Ja ist war/man hat mir aber gelegt
das wider meynen erlöser ist/darumb hab ichs nit wöl
len annemen/ich bins auch noch nit willens/ ee mein le
ben drob verlassen/gots wort wollen nit vnder mensch
licher gewalt ligen/wie man mir zu Wurms dennocht
anmüten dorfft. Meyn lieben vngünstig herzn/ habt jr
nit gelesen das kleyne sprüchlin Pauli. ij. Timothei. ij.
Gottes wort ist vnuerbunden. Nun sag mir/wo mit ich
wider deinen orden gesündiget hab/ich will dir antwort
ten. Teüfel. Ich will dirs bald anzeygen/warynnē
du wider vnsern orden gethan hast/ich wil dir aber vor
etlich ding fürhalten/damit ich meiner werbung eyner
güthen raum mach/vnn solt yezund hören/was ich an
dir gebrechens hab. Marti. Nun sag her du Ro
manist/ich wils gern hören vnd mich weyfen lassen.
Teüfel. Erstlich gefelt mir das nit wol an dir/dann

du sündigest damit in Got vñ de Bapst zū Rom/da du
den heyligen frumen vatter den Bapst/ ein Endechrist
nennest/ vñ fürst die menschen dahin/dz nyemant meer
vff in vñnd seyn wort gibt/ja was geet mich der Bapst
an/sagen sie. Nün bistu keyn gott/sunder ein armer brü
der als ich/das du dem Bapst in seyn hertz sehen kanst/
ich glaub gantzlich du seyest der selbist. Paulus vñd Pe
trus haben noch war gesagt. Thessalo. ij. vñnd. ij. Ti
moth. iij. vñnd. ij. Petri. ij. Item. j. Timoth. iij. Es
werden falsche propheten kummen/ die da seynd stöng/
hochmürrig/geytzig zc. Nün bistu ja hochmürrig/ störr
rig vñd freuel/wilt dich von nyemant/wed von Bapst/
Bischoff/geystlichen oder weltlichen weysen lassen/wer
weyß noch wer der frumbst ist Psalm. xliij. Man soll
alleyn Gott ein hertz richter lassen seyn/ wie du selbst be
kennest/ Hye bistu in Gottes gewalt gefallen/ darumb
hat deyn red vom Bapst keynen bestandt/ Ja deyn ge
walt ist so groß worden/ welche Daniel am. viij. vñnd
am. xij. seyn außstreycht/das dir nyemandt widersteen
darff/du bist fürwar/meins bedunckens/der sün derver
derbnüß/dauon Paulus sagt. j. Timoth. ij. Ephe. v.
so sagt Ezechiel. viij. Es werden prediger kummen/ die
werden eüch lügen leren zc. Ist das alles nit von dir be
schehen/werstu ein rechter Euangelier/ so volgten die
leüt deyner lere/wer thüt darnach/wo seynd deine zeych
en die du thüst/sürestu nit die leüt auff ein andern weg
vñd meynung/was sagstu hie zū. Marti. Ey fare
schon herz domine/hab ich hie den Bapst Esel/ vñ das
Kalb zū Lantzburgt ins aug geschlagen. Nün Got hab
ich int vnrecht gethon/ so gib mir dein gnad das ichs
mer/wie heist nit mer thü/du sagst mir hartte schwenck?
ist aber nichts dan menschlicher tandt. Ja ich byñ des
gewiß

gewiß vnd weyß die lieben zwölff boten/Petrus/Pau/
lus/haben vnser geystlichen junckhern leben nit verges
sen/sürwar vngeystlicher standt truckē dise wort mit vol
lē geysteln auß/ja auch dar zū der propheten wort/ Es
seynd die rechten widerchristen vnd seyne botten/wie ich
das vor offtmals angezeygt/da bey laß ichs noch bley/
bē/da syndestu gleych mein meynūg. Ob ich d̄ Münch
bin̄ dauon ist Prophezeit worden/gib ich gott anheym.
Er verdam̄ mich oder mach mich selig. Ich stee in sey/
ner gewalt vnd rütten/die werck der baum weissts wol
auß/wo die widerchristen stecken. Matth. viij. Luc. vi.
Ich darff d̄ prophecey nicht/Christus hat mir warhafft/
tig propheceyt vnd selbst erklärt/wie der widerchrist re/
gieren wirt. Du gibst mir schuld ich wöl mich nit weisen
lassen/ vnd zeuchst mir also felschlich die sprüch Petri
Pauli/vnd der prophetē vff den nacken/hastu vor wol
gehört/wie ich mich erbottē/wo man mir gots wort will
tadeln/soll ich nit leyden/ee von einer statt in die andern
fliehē. Matt. x. Luce. x. Seygst mir ja seltsam schwencē
an/vnd rychst ja all dein sachen zū kryeg vnd entbörūg
mich von götlichē wort zū schrecken. Meyn/ das nym̄ du
vnd dein Prelaten nit für. Es ist ein ander der das rād
lin treybt/eyne menschē ist solchs nit möglich/den wider
christen den Bapst zū verstören/ ja gots mundt muß es
thū vnd hats gethon. Daniel. viij. ij. Thessa. ij. On
handt wirt er gar zerstört werden/ glaub mir der teüfel
hat dē bratē des jars/lang seyt gerochē vñ geschmact/
darumb schart/bocht/wüt vnd tobt er/die menschen wi
derspennig zū machē/es hilfft nit/Bapstmūd/Bischoff/
Pfaffen/Münch/alle widerchristē des Euāgelij stocken
gar vor forcht/sie wissen nit wo hinauß/sie förchtē d̄ was
ser wöl über korb gan/jr hertz ist gātz traurig/forchtsam/
förcht sich vor eyne rauschendē blat. Leui. xvj. Ir boß
B

heit ist offenbar worden/dz man in feyndt wirt/sagt Dauid/psalm. xxxv. Sie fürchtē da keyn fürcht ist/ psalm. viij. Irē Prouer. xxxvij. Sie fliehen/ vñ nyemant jagt sie/ also gets zū/ gott gibt in eyn solch hertz/ wie Deuter. xxxvij. steet. Wen sie für vff steen/ so sagen sie/ O wolt gott ich überlebt den tag/ des abents/ wolt gott ich überlebt den morgen/ Solch schrecknüß gibt die schufft iren feynden/wolan/was sol ich viel da von sagen. Es wirt bald seyn expirauit. Lün wolt ich auch gern vō dir hören/wie ich in götlich gewalt gefallen sey/ darūb das ich den Papsst ein widerchristen Christi genant hab/ got sol vnser aller richter seyn/seyn gewalt will ich jm nit nemē. Ja er will sie jm auch nit nemē lassen. Warūb versūcht man den Apffel/ darūb das man will sehē/ob er gut ist/ vnd welcher baum der in getragē hat/ auch gute frucht trage. ~~War~~ **War** Ey also seynd die werck auch darūb gebē/dz man den wircker erkennē soll/man hat jr werck wol gesehē/vñ sicht sie noch. Teüffel. Du hast mich gefragt/wo mit du in die gewalt des creützigerē seyest gefallē. **War.** Ja. Teüff. So antwort ich dir also/Es ist verboten/man soll nyemants vrtyle vnd richtē/**Wart.** vij. Luce. vi. vñ zūn Rōm. ii. **Wart.** Es ist gar war/sagt aber Paul. i. Timoth. v. vñ Christus **Wart.** xviij. Wan soll die sūnder straffen ic. Ich gib mich vor keynen richter der menschē auß/ hab auch keyn gericht/ wils auch nit thūn. Aber wo ich sihe das mein brüder yriet/ist mir erlaybt in von dem bösen weg vff den guten zū weysen/gott hat mir nit verboten wen ich jm glaub/meinen nechsten zū richten/ an seynem bösen leben/den hat ers verbottē/ die vngleubig vñ selber böß seyn/vñ wöllen andere/die villeycht zū frum seyn/richten mit iren werckē. Aber du lieber Papsst/ein Cardinal als hüt od Vicarey her diesachen bald gericht/ aber

die weyl ich keyns hab wöllen nemen Da hats dreck ge
regnet. Nun got hat einē bessern hüt/ich sey wer ich sey/
das weys got wol/wir seyn alle kynder der verderbnuß/
also sagt Dauid psal. lv. vnd psal. cxv. In sünden hat
mich mein mütter empfangen vñ geboren/keyn gerech-
tigkeit ist in vns. Alles vnser thün steet in gott/lyemāt
darff mir volgen/Christus ist der/dem man volgen sol/
ob ich gleych mit vil zeychen gethan/noch thue/leydt nit
macht dran. Wan darff keyner zeychē yezünd/so es aber
von nöten/möcht ein bawer so bald zeychen thün/ als d
Papist. Ich sihe von grundt meines hertzen gern/ das
die Bawern/Burger/Edelleüt/Pfaffen vñnd Münch
eins teyls nichts vff Päpstlich maledien vnd schawer
mendelin gebē/ jr rümpel ist zū bodē gangē/ alle ire tück
vñnd falsche leer seyndt offenbar worden/vnser hertzen
seynd gar lang mit Päpstlichē vergyfften pfeylen durch
schossen gewesen/die widerchristliche werck/ da mit man
in erkant hat/seyn ganz an tag kumen/ dauon die Pro-
pheten/Euangelistē vñ Apostel schreybē/sie contraschē
den Papst recht ab/wie seyn in yederman Künig vñnd
Fürsten/Keyser vnd Bischoff/haben müssen vnderthe-
nig seyn/ wie Pet. schreybt. ij. Pet. ij. Ich will hye den
Papst mit richtē/sund das der schrift beselhen/ er darff
keyns richters/ er richt sich selber/ wenn ich den Papst
meer den Got feyern sol/wer ich nit würdig Christi apo-
stel genant zū werden/d Papst hat ein sunderlichē glau-
ben/so hat Gott d hymlich vatter auch ein sunderlichē/
der war vñ gerecht ist/Papsts glaub/steet in dē Papsts
hüt/in ceremoniē/ablaß/fasten/seyern/glockē/reiichē/oz-
gelen/vil höres syngen/lang Prim/Tertz/Sept/ Non
halten zc. Gottes glaub ist wider den/d ist alleyn in got/
vnd in keyn creatur noch werck gericht/das ich mich gar
vff in ergeb/mit allē meinē vermügē/der glaub lygt nit
B ij

Daran/dz ich glaub er sey den frumen ein Christus/sun-
der ich muß glaubē/das er mir ein Christus sey/vñ mir
kumen sey. Vnd den verlaucken die Bischoff/ Mönch
vnd Pfaffen/wie Pet. ij. Pet. ij. Sie seynd lesterer des
glaubens zc. Nün syhe bin ich Gott mit meer schuldig/
den den menschen gehorsam zū seyn. Actu. v. Teü-
fel. Ja das ist war. Mar. Eys so sollen wir gott
annemen/vnd menschen tandt lassen saren. Paul. lern
vns. j. Corin. iij. Wir sollen alleyn vff das gelegt funda-
ment Christi trutzen vñ bawen. Teüfel. Das gib
ich dir zū das er yren kan/aber du solst dennocht seyner
heyligkeit verschont haben. Marti. Gibstu dich
da gefangē/hat man doch im Decret/er künde nicht yr-
ren/Das ich aber seyn verschont solt haben/ kan vñnd
darffichs nit thün/Gott hat jr nit geschont/warüb solt
ich im seyn wort felschen. Teüfel. Du solt die ober-
keit eren/Aber du hast yetzund in eynē büchlin die ober-
keit gar versprochē/ wirst dir die fürst seyn vff den halß
laden/es geet bereit crucifige über dich/du meynst wenn
du hetst ein Bapst hütlin genumen/du stündest wol.
Marti. Ja warlich/aber Bapsts hüt erbt nit/got sey
gelobt/vñnd höre es gern/das man crucifige über mich
schreyt/O selig wer der mensch/welcher das crucifige vñ
wegen gottes wort vff seynē halß trüg/vnd dem got ge-
dult geb/wir leydē angst vñ not/verderbē nit sagt Pau-
lus. j. Corint. iij. Will ich ein bott Christi seyn/so muß
mein leer in dē schwancck geen/dz mir yederman/ja auch
todt/teüfel/helle/vnd sünd seyndt sey/anders gott ist nit
in mir/gegen den Tyrannen/muß man allwegē mit ge-
dult handlen/aber doch eynen störrigen glauben behal-
ten. Nün sihestu wie des Bapsts mundt mit götlichē ri-
gel verschoben ist/da syndē sie iren lon/ wie sie die armē
leit versürt/traurig vnd zweyfelhaffrige gewissen gegē

gott gemacht. Weynstu das der arme man das nit zu
hertzē nimpt/sie habēs alsū grob gemacht/ schlechts gib
gib/gib mir gelt/ich will dir ein stuck vom ablaß geben/
gib mir seygen/ich will dir Rossz seygen gebē/der Karst
vñ Regelhans/die habē das wol betracht. Man müß
zu zeyten ein sewer anzünden/vnd den Wolff mit seynē
grossen creutz jagen/hastu hie nit die rechten Antichrist
lichen werck/dan sie vns vom glauben Christi zu dem
werck glaubē gefürt/yederman felschlich mit der schrift
an sich gezogen/ja gott verleücket/jn nit erkant/vnd
zu eynē lugner gemacht/vñ vff ire werck die leüt gefürt/
wir wöllen aber ire menschliche geltstrick zureysen/wie
Samson seyne band zureys. Judicū. xv. In meynen
ausgegange büchern syndestu gnüg daruō/ es ist noch
nichts gewesen/sie müssen ander laudes hören. Teü/
fel. Dich wundert das du noch lebst/die weyl du yed
man so hart antastest. Marti. Ja es steet in gotts
gewalt/man müß ja der menschen nit schonen/sund der
leyb vnd vns thün verdämen/das doch die selen erhal
ten werdē/wie Paul. lernt. i. Corin. v. Teüfel. Ich
laß mich duncken/du hast mir ein Elterisch kappen ge
wäschen/kum herwider. Mar. Ja du thüst yetzū
wie all subtiler des Paps/ die also nichts ands thün/
dan auß Christo ein spot machē/wolan lygt nicht dran/
gott wirt ewer/so die zeyt kumpt/auch spotten/nach will
ich das meyn dar bey thün/ das thū ein ander auch/ich
bün schuldig meinen nechsten zur seligkeit zu vnderwey/
sen/vnd vom widerchristen vnd seynē hauffen zu fürē/
ich kan solchs nit lenger duldē/es gee mir wie d lieb gott
will. Teüfel. Wolan du würsts noch wol synden.
Mart. Ob gott will/ich weiß jn wol zu synden/nun
sag fort mit deinen Romanistischen artickeln. Teü/
fel. Zum andern so thüst du wider den Paps vñ Chri/
B iij

stum selbst/dz du allerley gütte werck/die man in kyrche
vnd anderßwo treybt/verwürffst/vnd nennest sie teüfe
lich/die doch die lieben Väter gestift haben/die müß
sen nün deyn narren seyn. Ja das gröst/du sagst vñ wol
test/das alle Predig stül/Kyrchen/Clöster/Capelle/Ab
blaß/Kutten/Blatten/Glocken vnd Orgeln/ im sewer
lege/vñ zu kleyn puluer gebrant wer/warüb wolstu dz.

War. Ich will dir das alles mit götliche wort seyn
vmbstoffen/darüb wolt ich das alle die werck die du er
zelt hast/im sewer legen/das man daryn vertrawet hat/
vñ noch vertrawt/ja ist so hart daruff geblatzt/dz man
die leüt nit herab kan bringen/ vnd also viel seelen mit
zum teüfel geführt/wie vor gesagt. Aber es wer noch zeyt
das man vffhöret. Christus (Matt. iij.) der hebt die ayß
vff/wil den bawm abhawen. Er schleycht wie der dieb
in der nacht. Matth. xxv. Luce. xiiij. vñ. xix. Marci.
xiiij. Nün will ich dir vffdeyne wercken antworten/ du
bist auch ein werckheylig/vnd seelmörder/dz erkenne ich
an dir. Teüf. Nleyn ich/ich glaub alleyn vō gott.

War. Ja warlich glaubstu von gott/vñ nit in gott.
Zum ersten/will ich dich fragen/was heyst güt. Teü
fel. Wen ich eynē etwas güts thün. War. Nün
merck/ein güt werck/wirt darüb güt genent/dz es nicht
mir alleyn/sunder dem/dem es geschicht/nützlich vñnd
hilfflich sey/ists war. Teüf. Ja du sagst hye recht.

War. Also sollē alle vnser werck dahin reychen/das
sie vnserm brüd güt/nützlich vñ hilfflich seyen/als Chri
stus vns gethon hat/d sich vns mit allen seynen gütern
gegeben/ vnd wir vns jm wider durch den glauben zu
eygen geben/vnd mit der lieb vnd wolthüung vnsern
nechsten/ In dem steckt kürzlich das Christlich leben/
wan wir vnsern nechsten wol thün/ so seynd alle gesetz
erfüllet. Teüf. Warynnen gib ich mich den meynē

nechsten/mit welchen wercken/das sag mir. **Mar.**
Die werck die du deynē nechsten thun solt/habē keynen
namen. **Aber** mit allē vnserm vermügen (wie sich Chri/
stus vns/mit alleyn mit fastē/betten/sunder gar gegeben)
seyndt mir schuldig vnserm nechsten. **Ja** auch vnser le/
ben für in setzen/was er will/das ichs will/ vnd was ich
will/das ers will/das seynd rechte gute gebottene werck
von Christo/die müssen wir halten/ anders das leben
wirt in vns nit seyn. **Teüfel.** **Ja** wer thut das.
Mar. **Ja** es lygt an got/vnser vermügē (.ij. Cori. iij.)
steet vnd kumpt in vnd auß gott. **Da** seyn vnser herz
gots junckherin mit irer vermaledeyng kumen/ die leüt
vff die werck gedzungen mit gewalt/hie erkent man wol
wer diser lere ein meyster ist. **Aber** Christus d' senfftmüt/
tig künig/thut nit also (**Mat.** .xx. **Marci.** .xj. **Lu.** .xix.
vnd .x. **Fre Paul.** zün Röm. .xiiij.) **sunder** syhet an das
du schwach vñ verwunt bist/tregt dich in dē stall/ wart
dein/ spricht dir freüntlich zü/ lert dich senfftmütig die
rechten warheit vnd werck/gibt dir zeyt das du es lernē
solt/ **Also** solten wir auch thun/die schwachen freüntlich
vnderichten/vñ nit mit dem bañ dar zü treybē/ja man
solt dir ein breyten küdreck vff den bañ setzen/ zü eren dē
bañmeister. **Daraus** ist kumen/das yederman hat mit
guten wercken wollen faren/vnd nyemant thut die rech/
ten gute werck/das ist mein klag/was hilfft meinē nech/
sten/das ich alle tag hundert liechtlin verbrenit/was hat
mein nechster dauon/das ich alle tag in der kyrchē lyg/
wallen lauff/das ich viel klöster baw/schmir die wend
mit ölgözē/trag ein grüne/blawe/weyße/grawe/schwar
ze Kutten/was hilfft in orgeln vnd syngen/gleich so vil
als wen ich ein steyn nem vnd verwürff den weyt/vnid
mein armer brüd der recht tempel leydt da heym/hat dz
brot nit zü essen/ die kynder müssen panē propter deum

Schreyen/das vnser Bapst mit seynē Cameln thierē gar
nit betracht/schlechts füll die tāschen/ vns Armen hats
dem gelt auß dem beüttel geholffen/Väter hin vätter
her/es hats Ambrosius/Anthonius/oder der frum vater
ter Franciscus gemacht/so hab ich hie das wort vñ got/
dem muß ich mer volgen/ Ich stee in seynere gewalt/ er
hat mich erlöset/vnd der keyner nit/ Ja die frumen Apo
stel gots begerē es nit/du hast vernumen wz Christliche
werck seynd/hie sibestu vnd kans ein Larz merckē/ das
des Bapsts werck alleyn dahyn gericht synd/dz sie den
der sie thut alleyn sollen nütz seyn/ist aber erlogen. Wen
das recht/so wer Christus ein vnmechtiger gott/das er
vmb des Bapsts willen nit seyn würd. Teuf. Ich
weyß nicht/du sagst vnd schwazest wie du lang gethon
hast/du geüßt auß dein gyfft über die menschen/wie die
gyfft der Pestilentz ward über Dauid vnd sein volck. ij.
Reg. xviii. außgegossen/ vnd dunckt doch yederman
süß vnd gut/aber ist mit gyfft vermischet/es ist mein für
bringen vmb sunst gewesen/aber hie nit will ich meiner
werbung ein raum gemacht habē/da hab ich bald ver/
merckt wie ich besteen würde. Marti. Ich mercke
dein meynung wol/ ich weyß wol das dir vnd deinē pa
pistischen hauß die warheit nit schmeckt/aber lygt nicht
dran/man muß ye mer da von reden/ye seer jr darwider
tobt/ye seerer mans eüch zü widerdryß sagē soll/Emser/
Geck/Lemp/vñ die Katzen murren vnd brumen seer ge
nügssam darwider/aber sie schaffen/ ob gott will/ nichts
args. Ich hoff das in einer vierteyl stund zü thün/ dich
in deinen wortten zü sahen/gott verleyhe alleyn gnad.
Teuf. Das würstu mit deinem geschwetz nit enden/
ich het dir noch meer artickel fürgeworffen/aber du steest
vff deinē fürnemen wie zü Wurms vnd Leypsick.
Marti. Ich wolt gern wissen wie du hießest/ vñ von
wannen

wann du gesandt werest/dz du mich also hart entsaget
hast. Teüf. Ich heysß Algaros. Mar. Was
ist das für ein namen. Teüf. Ich sag dir bey vn-
ser gewalt/dz ich ein fürstlicher Notarius auß der Hel-
le bin/vñ will dir yetzt sagē ein grosse botschaft/die vns
teüfeln allē beschwerlich. Mar. O gott biß mir ge-
nedig/so soll mir der teüfel nit schaden/wie kum ich zu di-
sem spil/das die teüfel zu mir kumen. Vñ gott gedencē
meyn/erbarm dich mein/meine seyndt habē mich vmb-
geben/vnd ire münd wider mich vff gethan/wie Psal.
xxxix. Psal. xl. steet. Ich besilch mich dir/ erlöse mich
vō disen grossen wassern. Aber wie kumpstu also heryn
gegangen du arger teüfel/in eins Prediger Mönchs Kut-
ten/ist sie frümmer oder arger dan meine/ wie hastu mich
betrogen. Ich meyne ich habß gerochen das du der teü-
fel seyest/dan mir ja seltsam gedancken fürkamen/vñ ich
dich vor einen selē mörder nennet. Teüf. Du hast
mich fürwar vor keynen rechten menschen angesehen/ du
solt dich meiner gestalt nit verwundern/weystu nit/das
wir zu den Mönchē des ordens wallen gegangen seynd/
vnsere heymliche verretterey durch sie zu wegē bracht/als
zu Bern/wie anderswo mer/wie du villeycht wol weyst.
Aber sie habē vns gleych erkant/als Tobias (Tob. ix.)
den Engel erkant/der mit seynē sün wandert. Ich will
dir noch seltsame vngehörte ding sagē. Aber ich will dir
vor die werbung/so ich von wegen aller teüfel an dich
bringen soll/fürlegen/in vier stucken/ vnd darnach mit
eynem beschluß/welch vnsere beschwerung ist. Erstlich
so hör/was ich dir fürgeben würd/daruff soltu mir dein
meynung kürzlich beschliessen.

Die Teüfelische werbung an Martinū Luther.

Vnd zum ersten/so soll ich dir aller teüfel vñ Papiſtē
vngriß sagen. Mart. O wie gern hör ich das die

C

teüfel wider mich/du sagst mir der Papiſten vngrüß/ſo
hör ich wol/ teüfel vn Papiſten oder Romaniſtē/ ſeind
in eynē bundt/das ſein mir fürwar newe zeyttung/ wer
iſt aber der oberſt felt haubtmā. Teüf. Es ſeind
zwen Pfaß/ Emſer vnd Ectius/die andern die werdē
mit der zeyt auch dran müſſen. War. Es ſey gott
beſolhen. Teüf. Ich will fort faren mit meynē ſürt/
bringē/ſo ſoltu wiſſen/dz dir keyn teüfel/ noch geystliche
zū Rom das meyste teyl/holdt ſeyn/darüb das du vns
teüfeln ſchadeſt in der helle/ dem Papſt in ſeyner ſchatz
kammer/den Pfaſſen vnd Mönchē in kuchen/ in keller/vn
wer vns beſſer geweſt/ du werest nit geborn worden/ in
dem das du vns das geystlich recht gar verwürffſt/ vn
ſagſt es ſey vff gelt vn zürtrettung der menſchē gericht/
das ſoll dz ſürnempſt vnd d̄ erſt artickel ſeyn. War.
Nün wacht vff Pfaſſen vn Mönch/Edel oder vn/
edel/Bawr oder Bürger/geb̄t Gott die eer vnd gloriē/
das er mit ſeynem wort die gnad gethan/ vnd zū wegen
bracht/das ſein wort/teüfeln in d̄ hell/Pfaſſen/ Mönch
en/vnd Papſt/in irer gelt grüben ſchadē thüt/ du arger
zeruckter Chriſtlichs glaubēs/das iſt gottes art/ das er
denen/die ſeinem wort wider ſeynd/groſſen ſchadē thüt
Pſal. xxxvi. Ja ſie vor d̄ warheit ganz blyndt macht/
wie yezund offenbar. Ja ir kuche wirt die leng noch düe
rer werdē/die ſtationierer ſeynd ſchier hungers geſtorbē.
Nün ſag fort/ich will dir argē teüfel raum gebē/es ſchade
uns Papſts kuche oder hymel/ſo geet Gottes wort fort/
dem mag nyemant widerſteen. Teüfel. Züm an/
dern ſo thüſtu wid vnſer verbündtniß/dz du dē ablaß
vnd wallē verwürffſt/vn treybiſt die menſchē dauon/
nyemant öſt keyn ablaß meer/dz geet vns als ab/ haſt
du zū bedencken/das wir vnſern mügliche fleyß fürwen
den/dich vnd die andern von diſem glauben zū bringē/

aber du bist der beständigkeit/die fleisch vnd blüt doch
nit haben noch begreyffen kan. Ich wolt gern wissen/
wo durch du so beständig seyst/die weyl du weder nach
teüfel/todt/sünd noch hell fragst/vnd haltest gar nichts
darvon. Mar. Dem gecreützigten frumen Chu-
sto seynd alle ding möglich/aber vns menschen vnmüg-
lich. Matth. xix. Marci. ix. Da bey bleybs. Teüf.
Ist gut. Ein züm drittē/so verwürffstu auch Mönch-
leben/vnd du bist dennoch selber ein Mönch/ es lobt
doch ein yeder gern seyn standt/ vnd nensts gleyßnerey/
falsch erdicht leben/vnd machst das sie heraus lauffen/
nemen weyber vnd arbeyten/vñ seydt du erstandē bist/
so wöllen vns die Mönch nicht gut thün. Man müß
dir ein mal den rüch ziehen/ vnd spannen wie die Apo-
stel. Es ist besser du sterbest/dan das all Mönch vnd
Pfaffen vmb deinet willen soltē nott leyden. Züm vier-
den so verwürffstu vns auch die heymlich beycht/sagst
es sey erlogen gewest/vnd man hab vil menschen dar-
durch züm teüfel gesürt zc. Ich syhe dz es alles verlorit
ist/darüb wil ich gātz auß dē Secret redē vñ schwätzē/
Du verwirffest vns vnser groß vñ heymlich recht den
Ablass/Mönch lebē vñ Beychten/dise stuck seynd sun-
derlich vnser besten pfründen gewest/vnser ampt würt
nün gar ernidert/wir wöllen schier vnsern ynshneydern
vnd botten/den Anthoniern/ Valentiniern/ Spiritus-
sanctern zc. vrlaub geben/sie kündē schier nichts meer
sanden/sie überredē den zü zeyten ein bewerlein oder ein
alte müter/Wir haben den besten müter in feysten Prior-
bus gehabt/sie seynd vnser schmaltz gewesen/ wir habē
damit gespickt/sie habē wenig gearbeyt vñ seynd feyst-
worden/vnser getrewe kynder gewesen/ jr leben hat vns
sanfft gethon/sie haben vns alle ding zü wegen bracht//
wir haben auß jnen geredt/wie Gott durch die eselinne

Balaams. Num. xxij. Iren self vff die kappen vñ ire
vatter gesetzt/darein vertraut/wie Sennacherib in sei
ner gewalt Esaie. xxxvij. vñ. iij. Reg. xvij. War.
O frumer gott/wie seynd mir das bessen/du hast eyn
rechte beycht gethon/du müst gen Rom ziehen/ ich kan
dich nit absoluiere. Teüf. Ja also will ich im thun/
mein weg von stunden an gen Rom wenden/ vnd mei
ne kynder besuchen. Nun hie will ich beschliessen/wiltu
vō disem predigē absteen/so solt du ein grosser herr wer
den/ein Cardinals hüt erlangē/dein eygen Curtisan vñ
Knecht haben/ wiltu den contract annemen/ so sag mirs
kürtzlich/die Mönch vnd der Papsst/synd des mit vns
eynig/so sag mir daruff deyn gemüt/deyne wort wollen
mir sunst die leng zū starck seyn. War. O herz gott
in ewigkeit/erhalt hie vor disem deinē seynd Martinum
Luther/deinen vnwürdige Knecht/du siehest in was ferlig
keit ich stee/vñ vom teüfel vmbgebē bin. Ich vermags
nit/kans auch nit/du bist alleyn meyn saluator/ Marti
ne Martine halt vest/ du herz hast also wollen haben.
Job. i. Psalm. cxij. Es hat dir gefallen/also ist auch be
schehen/deynē namen sey all eer vnd glorien von ewig
keit zū ewigkeit/Amen. Du arger betrieger der mensche
dein gewalt soll nichts seyn/gott ist ein künig der eeren/er
ist ein gewaltiger gott/Psal. cxliij. Esaie. v. Du chris
licher seyndt vñ Sathanas/wie kumpstu vff den weg/
das du die Mönch vnd geystlichen also gar schendest/
vñ dir die götlich geschriff als wol geschmeckt hat/ du
hast allen standt der Geystliche verratten. Num. xxij.
xxij. vnd. iij. Teüfel. Mir geschicht gleych wie
Balaam/der maledeyen solt/vñ gebenedeyet/ Also solt
ich die geystlichen vnser getrawen benedeyt haben/ so
hab ich sie maledeyt/ mein zung hat sich gar vmbkert/
glaub warlich/wan du nit kumen werest/vnd die geyst
lichen also

lichen also reformiert hettest/wir woltē solchs nit gesagt
haben. Nun ist es alzu offenbar wordē/darūb hilfft kein
schweygē. **Mar.** Glaub gētzlich/ich habs nit of-
fenbart/es ist ein ander/der steet vnder dem volck/aber
man kēdt in nicht/wer hat solch ding vor meer hōrē sa-
gen/gott du hast heūt dein heyl beweyßt. **Teüfel.**
Ly was sagstu lang/antwort nūr. **Mar.** Ich wil
dir kurtz mein meynūg sagē/du gibst mir schuld/ich ver-
werff dir das geystlich recht/Ablass/Wūnch leben/vnd
die Beycht/so sag ich also/Das Decret die weyl es yeder
man mit gewalt vnd grosser macht verdānen will/ da
hilfft keyn gnad nit/darūb verspot vnd verspey ichs/du
hast vor gehört/Titū. iiii. man soll mit dē Christē senfft
müttig vmbgeen/wie vns Christus thūt/nicht mit den
horen zūm Bāpstlichen Decret vnd glauben ziehē/dar-
auß ist̄s kumen/das man mēschliche gebot über gottes
gebot gezogen vnd gesagt hat/Got vnder die bancck ge-
stossen/den Bapst für gott fürchten müssen/ists nit war/
du hast selber angezeygt/ Ir thūm sey falsch. **Teüf.**

Ja hie kan ich nit für über. **Mar.** Der halben
so ist das Decret widerchristlich/das ist wider Christū.
Sie habens schier da hyn bracht/das Christus hat dē
Bapst die füß müssen küssen. **Teüfel.** Es ist vns
gūt/recht/gewesen lieber **Martine.** **Martinus.** Ich
halts dafür wie du sagst/aber got will selber eynē schaff
stal vnd ein hyrten machē/ **Johan. v.** Selig werdē die
schaff seyn/die seyn stym gehört haben. **Teüfel.** O
Bapst du lieber sūn/wo würt hie dein apostolica salus
oder benedictio bleyben/es will die drüß gewinnen.

Mar. Du sagst fürwar recht. Nun fort/den ablas be-
melden/verwirff ich darumb/das man vil aberglaubē
damit vffgericht hat/hie hat d̄ Bapst gesagt/wer ablass
löß der thū besser dan der seinem nechsten das almüsen

D

gibt/der nit in seynen letzten nöte ist. Nün gott in deiner
maiestät/sol das nit eynen yeglichen Christen erbarmē/
solt man nit ee dem brüder vnd nechsten helfen/ dann
weñ er in seynen letzten nöten ist/so würde keynē geholfen
fen/ was wer dz gesagt/wo bleybt die lieb/ sie würde nit
so güt seyn/ als die lieb d vnuernüfftigē thier/ d glaub
harret nit so lang/ sunder so bald gottes gnad vnd sein
glaub ist den menschen gegossen wirt/so bald geüßt der
glaub wider/es in lautter klar versürung mit dem ablaß/
sie wöllen vns den hymmel mit ablaß vffschliessen/ sie
schliessen den hymel zū/vnd den Bapstlichen hymel die
hellen vff. D jr frumen Christen betrachte disen spruch
des widerchristen zū Rom. Wan hat vns vom Christ
liche güttē ablaß Christo Jesu gar abgefürt. Wir seind
vermessen menschen gewesen/ selbst wöllen kochen/ vñ
zū lest das essen in dreck lassen fallen/also gets. Teü
fel. Ja lieber Martine es ist gereyt auß. Yert last mā
mit dē ablaß lösen vnd wallen geen wol an sich kumen/
man dringt sich nit meer darüb. Nün wie soll man in
thün/die alten Thümhern müssen noch die zehen bez
zalen/darün wöllen wir vnser müttlin külen. War.
Wolan d frum Christus kan in wol seyner gnadē glantz
von oben herab sendē/ich bin nit seyn rhatgeb geweest/
Psal. cxvij. Sein barmhertzigkeit ist vnentlich/ er gibet
den gnad die in anruffen/vom ablaß syndestu genüg in
meiner Sermon vom ablaß. Das ich Münchē leben
verwirff thün ich darüb/ wie wol ich selbst ein Münch
bin/dz man daryn vertrauet hat/wie du sagst/vñ noch
daryn glaubt. Ja wer nit ein Münch ist gewesen/ d hat
nit selig kündē werdē. Ist eytel versürung/man soll sich
in der Tarren werck keyns verlassen/ dan man macht
gott damit zū eynē lugner/dz nemē nün etliche zū synne/
vernehmē recht vñ geen herauß in dē Eliche standt/vñ

arbeytten im weinberg/das ist recht vnd gut. Nym sihe
wo Papst/ Cardinal/ Bischoff/ Pfaff/ Mönch/ Nonne/
Glocken/ Mess/ Vigilien/ Kutten/ Kappen/ Blatte/ al/
le statut vnd Regel/das gantz gewürm vnd geschwern
hin kumpt. Ja es zergeet wie rauch/in summa/wer in sein
werck vertrawet/der ist des teüfels diener. Also hat man
züm bawern gesagt/ Tu labora/wir wollen die würffel/
das bretspiel/die karten in die handt nemē/nym du den
karst/du müst geystlichen wol ernern. O betrug über be
trug. Von der Beycht/das du ewer beste pfründe nen
nest/ist ja betrug vñ versürüg geweest. Wenigklich hat
sich vor dē beychten geförcht/da hat der teüfel seyn spiel
angericht/mit vns mensche/ **Mat. am. xviii.** syndest du
die monier wie man gebeycht hat/wer sich Got vor ey
nen sündler angibt/seiner genaden begert/sich gar vff zu
ergibt/den altē Adam tödtet/das fleysch vnderdruckt/
Der hat genüg gethon. Also hat der selbigē Christus vil
absoluiert/ die zū keynē Pfaffen nye kumen seynd. Also
haben die Apostel auch absoluiert/gott ist getrew vñ ge
recht vns vnsere sünd züuergebē/sagt Johānes. Von
beychten syndest du genüg geschribē. **Teüf.** Ha ha
ha lieber **Martin**/ich müß lachē/wie wol es mir nit läch
erlich ist. **Mar.** Was lachst du seyndt der frummen
Christē. **Teüf.** Ich lach dz wir die geystliche also
seyn gesürt habē vnd betrogen. O **Martine** hör vff/ du
hast mir allzū harte wort gesagt/wiltu aber den cōtract
annemen/günstig hern soltu erlangē. **Mar.** Sa
thanas weych von mir/gottes war wort wil nit vñ gelt
verkauft vnd übergeben werden/deiner bitt gib ich nit
stat/du hast vorhin gehört/dz ich nit darüb da bin/gots
wort vmb ein Cardinals hüt zü übergeben. Neyn gott
das soll nit seyn/Wie erschrickestu also du Euāgelischer
seyndt. **Teüf.** Darüb das du meiner bitt nit wilt

D ij

raum geben/deine wort die tempffen mich gar/ich muß
darvon/der fryd sey mit dir Martine. Mar. Was
frydes wünscht du mir du arger teüfel. Teüf. Es
ist der fryd den ich geb meinen jungern/als d gecreützig
den selbigē auch gab seynē jungern zün Römern. viij.
Mar. Hahaha/das seynd mir güte schwencck/so
hörich wol dein junger vñ Christi junger seyn eynmüt
tig vnder gleychem fryd. Teüf. Du kanst ja dan/
nocht nit anderst sagen/dan das vnfyd nit fryd sey. Ist
nün fryd das du machest/das will ich eynē yeglichen ver
nünfftigen man vrteylē lassen. Deiner leer halbē zancke
man in allen heüßern/der will vff d Papisten seyten sein/
der ander vff deiner seyten/ die Papisten wo die alleyn
bey eynander seynd/da ist fryd/ist aber eyner vff deyner
seyten vnder in/da ist vnfyd vnd wirt wunder vnd ja/
mer. Ich muß dir noch etwas fürlegē/ich will auch ein
wenig vff der geystlichen seyten seyn/ du weyst/ fryd ist
eyn zeychen der gerechten menschen. Matth. v. Nün
sag mir/ob dein rott mer frydsamer sey dan der Papiste
tott/der vnfyd erzeygt sich meer an deinē anhang/ dan
an des Papsts/dz gib ich dir vff zū rhaten lieber Mar
tin Luther/Gott spricht ye/selig seynd die frydsamen 2c.
Matth. v. In zweyfel zū anzeyg/das vnseelig seynd die
vnfydsamen/ heyst man das fryd/ so man zancket/ so
heyst dz weyß schwarz/vñ dz krum schlecht. Mar.
Das kan mir ein Sophistisch argument seyn/in d du
schülmeister bist/aber sag mir warüb dir der fryd so wol
schmeckt. Teüf. Ich merck wol wo du hinauß wilt/
dein meynung ist/ich muß nichts güts lieb haben/ auß
welchē du beschliessen wilt/der fryd der mir behagt muß
auch nit gütt/sunder böß seyn/hie hab ich dich schon ge/
fangen. Mar. Gefangen das wer ye nit gütt/doch
sag wie hastu mich gefangen. Teüf. Das will ich

dir frey sagen/ Du verspottest vñ verdamnest so hoch al-
les distinguiren in der heyligen geschriff/ vnd sprichst/ es
sey ein Sophisten stuck/ vnd du thust yetzt selbst/ dz dir
so hoch hassest in den andern/ dan also wiltu teylen vnd
distinguire/ den fryd in eynē bösen fryd den ich lieb hab/
vnd in eynē güten fryd den ich hasse. War. War-
lich dz hast errattē/ rhat meer. Teüf. Wie kan aber
fryd böß seyn. War. Als demüthigkeit/ gehorsam-
keit/ warheit/ frumkeit/ gerechtigkeit/ heyligkeit/ trew-
glaub/ lieb/ vnd andere tugent kündē böß seyn/ also kan
fryd auch böß seyn. D gesel/ weystu so wenig darüb. Nū
zum ersten vom fryd/ macht Christus selbst einē vnder-
scheyd/ dan er spricht Johan. viij. Ich gib euch meinē
fryd/ nit als in die welt gibt/ sihe hye distinguiret. Chri-
stus/ darüb distinguire ich auch/ Aber deine schüler vñ schül-
kynder/ die Sophisten/ wöllē nit distinguiren/ da die gel-
schriff distinguiret/ da aber die schriff nit distinguiret/
da wöllē sie distinguiren/ darwider hab ich geschriben/
darbey willich lassen. Was bedücker dich vom fryd da
Christus sagt Matth. v. Ich bin nit kumen zū senden
dē fryd/ sunder das schwert. Es war ein böser fryd den
Adam nit brechen wolt/ als in seyn Esraw ansacht mit
der verbotten frucht/ diser fryd gesyl dir auch wol. Gen.
ij. Also wan die wirckung der yrrung hat iren sürgang/
vnd die thewer erkauften seelen mit hauffen getryben
werdē zū ewiger verdammüß/ hie hassest du den vn-
fryd der schaffhund gegen den wolffen/ hye erzeygst du alle
deyne heyligkeit in manigfeltigē tugendē/ dan du magst
hie nit leyden das übel reden vnd stürmē/ hie lobstu die
gehorsamkeit gegen der oberkeit/ hye geselt dir gütigkeit
oder demüthigkeit. Aber du verheltest vns/ wie du mit
allent disem/ Christū vnd alle seyne heyligē/ hie machest
zū dem größte übelheter der ye vff erden kumen ist/ dan

D ij

welcher hat glöblicher wider alle dise deine tugendt gehalten dan Christus/ vñ ist in disen lastern (deinen tugenden zu gegē) so verstockt/ das er on zweyfel noch stürmē wirt/ mit vnsern Bischoffen (so er yetzt vff erden gieng) als er gestürmbt hat mit den Bischoffen der Judē/ als so er die Juden nennet kynder des teüfels/ Johan. viij. als sie sich nennetē kynder Abrahe/ seynd jr kynder Abrahe (sagt er) so thünd auch die werck Abrahe. So nün die Bischoff sprechen/ sie seynd nachkumen d' Aposteln/ on zweyfel er wirt sprechen/ seyt jr nachkumen der Aposteln/ so thüt auch die werck d' Aposteln/ jr seyt nachkumen des teüfels/ wie du vor selber gesagt hast/ des ampts jr auch p flegēt mit seel verderben. Teüfel. Eyey/ wa wiltu da hyn/ du schonest doch keynes/ bedarffstu dz redē so ichs hör/ was thüstu dan wan ich nit bey dir bin/ mein zung hat sich widerüb gewandt/ ich müß dir noch ein wenig widerparthaltē. War. Du böser seyndt/ was leydt mir an deynē vergyffte zungē/ zün Römern am. viij. So gott mit mir/ würstu mir nit schaden/ deint warten vnd vff sehen soll mir ob gott will vmb ein hār/ lin nit schaden. Ich meine ich hab mich des genügsant vermercken lassen wider deinē anfang/ hab ich in nit getroffen/ so kum er herwider. Teüf. Was gewinnest du aber mit deynem bochen vnd scharzē/ was richtest du damit auß? War. Das will ich dir sagen zün beß schlüß. Zün ersten gewinne ich daran ein güt frölich gewissen/ so ich widersprich deiner teüfelischē wirckung vñ jr nit verwillig/ vnd richt darnach darnebē auß vil warnung der menschen/ das sie deinen betrug erlernen vnd erkennen mügen/ ob schon die Bischoff vnd geystliche toll vñ töricht darüber werdē. Zün andern so gewin ich daran so viel/ das ich erkenne die krafft vnd beschirmung die gott seynē dienern erzeygt/ vnd richt darneben auß

ds sich alle toll vñ wütend köpff an mir herab lauffen/
vñ zu lest genügsam raum lassen müssen dem Euāgelio Christi/wie gefelt dir die freydē/ du arglistiger teüfel.

Teüfel. Wolan wie soll ich im thun. Mar. Dē se new zeytung sag ich gleych deinen kyndern. In dem verschwand der Teüfel von Martino hinweg. Martinus aber danckt Gott das er in so ein arme verfluchte creatur also in seynem glauben erhaltē het. Bittēt Gott mit eynē andechtigen gebett/ damit Bāpfflicher mundt/ Martinum Luther dē frumen nicht verschlunde/ dem sey auch ewigs lob/ in ewigkeyt zu ewigkeyt,
Amen.

¶ Sequentia in laudem resurgentis Christi
per Lutheranos.

Muictas Martini laudes itonēt Christianis
Sparsis reduxit oues ad Christum aberran
tes reconciliauit peccatores.

Fortis viri libellos oppressere Tyrāni dux vi
te Martinus regnat uiuus.

Dic nobis Martine verax iuste et pie doctrinam Christi
uiuentis et gloziam passim resurgentis.

Angelicos testes/ Paulum Euangelistas surrexit Christi
spes mea/ Romā auersans vt Gomozream.

Credendum est magis soli Martino veraci/ quam Pa
pistarum turbe fallaci.

Scimus Christum reuiuissē per Martinum vere/ tu
nobis illum deus tuere/ Alleluia.

Handwritten text in a medieval script, likely Gothic or similar, arranged in several lines. The text is very faint and difficult to decipher.

Handwritten section header or title, possibly indicating a new chapter or section.

Handwritten text in a medieval script, arranged in several lines. The text is very faint and difficult to decipher.




Ji 3243^a

(x221 2721)

sb.





Farbkarte #13

B.I.G.

Blue

Cyan

Green

Yellow


Red

Magenta

White

3/Color

Black



atalogus von

geschickte Boe
ie falsche geyst
Gots belan/
zu lesen.

XXij



Chr. J.